

გიორგი ხოჯევანიშვილმა ფერმერებს სოფლის მეურნეობის ანტიკრიზისული გეგმა გააცნო

16 მაისი 2020

შიდა ქართლის სახელმწიფო რწმუნებულმა გიორგი ხოჯევანიშვილმა სოფლის მეურნეობის ანტიკრიზისული გეგმით გათვალისწინებული შეღავათების შესახებ გორის მუნიციპალიტეტის ფერმერებს ინფორმაცია მიაწოდა. შეხვედრას რწმუნებულის მოადგილე ნუგზარ სამხარაძე და სოფლისა და სოფლის მეურნეობის განვითარების სააგენტოს შიდა ქართლის რეგიონული სამმართველოს უფროსი მამუკა ლომსაძე ესწრებოდნენ.

რწმუნებულის თქმით, უახლოეს დღეებში რეგიონის თითოეულ მუნიციპალიტეტში ადგილობრივი თვითმმართველობის ჩართულობით ანტიკრიზისული გეგმის შესახებ მოსახლეობის მაქსიმალური ინფორმირება მოხდება. შეხვედრაზე ფერმერებმა სოფლის მეურნეობის მიმართულებით რეგიონში არსებულ გამოწვევებსა და პრიორიტეტებზე ისაუბრეს.

„სახელმწიფოს მიერ შემუშავებული გეგმა ჩვენი ფერმერებისთვის მნიშვნელოვანი და კარგი შესაძლებლობაა, რათა დროულად და შედეგზე ორიენტირებულად განაგრძონ აგრონარმოება. სახელმწიფო ამით ხელს უწყობს როგორც თითოეული ფერმერის კეთილდღეობას, ისე ქვეყანაში სოფლის მეურნეობის დარგის განვითარებას, რაც თავის მხრივ აისახება ადგილობრივი ბაზრის გაძლიერებაზე.“ - აღნიშნა გიორგი ხოჯევანიშვილმა.

მთავრობამ სოფლის მეურნეობის ანტიკრიზისული გეგმა - „ზრუნვა სოფელზე და ფერმერზე“ წარადგინა. პროგრამა ითვალისწინებს სასოფლო-სამეურნეო საქონლისა და ხვნის მომსახურების ღირებულების სუბსიდირებას. პროგრამით გათვალისწინებული სუბსიდის მისაღებად საჭიროა, ფიზიკურ და იურიდიული პირებს საკუთრებაში ჰქონდეთ საჯარო რეესტრში რეგისტრირებული სასოფლო-სამეურნეო დანიშნულების მიწის ნაკვეთი. პროგრამით ისარგებლებს 200,000-მდე ფერმერი. პროგრამის ბიუჯეტი 37 000 000 ლარია და პროგრამის განხორციელება დაიწყება 2020 წლის 20 მაისიდან.